

**ERINDISBRÉF  
FYRIR  
SKÓLANEFND EYJAFJARÐARSVEITAR**

**I. kafli.  
Skipan nefndarinnar og hlutverk.**

**1. gr.**

Skólanefnd er skipuð af sveitarstjórn til fjögurra ára að afloknum bæjar- og sveitarstjórnarkosningum, sbr. 6. gr. laga nr. 91/2008, um grunnskóla m.s.br. og 4. gr. laga nr. 90/2008, um leikskóla m.s.br. Nefndin fer með málefni grunn- og leikskóla sbr. fyrrnefnd lög og einnig sbr. sveitarstjórnarlög, samþykktir og ákvarðanir sveitarstjórnar í málefnum skólanna.

**2. gr.**

Skólanefnd skal skipuð fimm fulltrúum kosnum af sveitarstjórn Eyjafjarðarsveitar í upphafi hvers kjörtímabils. Varamenn í skólanefnd skulu jafnmargir aðalmönnum og kosnir á sama hátt. Sveitarstjórn skipar formann skólanefndar en ritari og varaformaður skulu kosnir af nefndinni á fyrsta fundi hennar.

Leikskólastjórar, starfsfólk leikskóla og foreldrar í sveitarfélaginu kjósa hver úr sínum hópi aðal- og varamann til setu á fundum nefndarinnar með málfrelsi og tillögurétt. Skólastjórar, grunnskólakennarar og foreldrar í sveitarfélaginu kjósa hver úr sínum hópi aðal- og varamann til setu á skólanefndarfundum með málfrelsi og tillögurétt.

**3. gr.**

Meginhlutverk skólanefndar er sem hér segir:

- a) skólanefnd er ráðgefandi nefnd fyrir sveitarstjórn og beinir bókunum sínum þangað
- b) að fara með málefni og fylgjast með starfsemi grunnskóla og leikskóla eftir því sem lög og reglugerðir kveða á um
- c) að sjá til þess að öll skólaskyld börn sem rétt eiga á skólavist í sveitarfélaginu njóti lögboðinnar fræðslu
- d) staðfesta innra mat leik- og grunnskóla ár hvert
- e) að fylgjast með framkvæmd náms og kennslu í sveitarfélaginu og gerð skólanámskrár og gera tillögur til skólastjóra og/eða sveitarstjórnar um umbætur í skólastarfi
- f) að staðfesta starfsáætlun leik- og grunnskóla ár hvert og skólanámskrá þeirra
- g) að fylgjast með og stuðla að því að nemendum og skólum sé tryggður aðgangur að sérfræðipjónustu
- h) að sjá til þess að jafnan sé fyrir hendi viðeigandi húsnæði fyrir kennslu og annar aðbúnaður, þ.m.t. útivistar- og leiksvæði fyrir nemendur
- i) að hafa eftirlit með að ákvæði laga og reglugerða séu uppfyllt og gera tillögur til sveitarstjórnar um úrbætur auk þess sem hún skal vera sveitarstjórn til ráðgjafar og veita umsögn í skólamálum
- j) að stuðla að tengslum og samstarfi leikskóla og grunnskóla annars vegar og grunnskóla og framhaldsskóla hins vegar

- k) að stuðla að tengslum og samstarfi Tónlistarskóla Eyjafjarðar, Krummakots og Hrafnagilsskóla
- l) að fylgjast með skólatengdri þjónustu á vegum sveitarfélagsins utan skólatíma s.s. starfi félagsmiðstöðvar
- m) að hafa samráð við heilbrigðisþjónustu og skólastjóra um skipulagningu og fyrirkomulag heilsugæslu í skólum
- n) að fjalla um önnur þau mál sem sveitarstjórn felur nefndinni

Jafnframt skal skólanefnd stuðla að tengslum annarra hagsmunaaðila í skólasamfélaginu. Skólanefnd getur átt frumkvæði að vinnu við mat á skólastarfi, þróunar- og nýbreytnistarfi og símenntun starfsfólks.

Nefndin skal leitast við að ná því grundvallarmarkmiði að tryggja að ákvarðanir hennar og vinna séu fyrst og fremst í þágu allra íbúa sveitarfélagsins og það leggur þær skyldur á herðar fulltrúum í nefndinni að setja ávallt almannahagsmuni ofar sérhagsmunum, hvort heldur sínum eigin eða einstakra hópa.

## II. kafli

### Fundir nefndarinnar og starfshættir.

#### 5. gr.

Formleg erindi, fyrirspurnir og mál er skólanefnd berast skulu skráð í málaskrá Eyjafjarðarsveitar áður en þau eru tekin fyrir á fundum. Á sama hátt skal, eftir fund, skrá afgreiðslu mála í málaskrá. Sveitarstjóri ber ábyrgð á að skráning og eftirfylgni málgagna sé í samræmi við reglur Eyjafjarðarsveitar hverju sinni.

#### 6. gr.

Formaður kveður til fundar svo oft sem þurfa þykir, þó ekki sjaldnar en 8 sinnum á ári. Skylt er að boða fund ef meirihluti nefndarmanna æskir þess.

#### 7. gr.

Formaður nefndarinnar, eða varaformaður í forföllum hans, boðar eða lætur boða fundi í nefndinni með a.m.k. tveggja sólarhringa fyrirvara og skal dagskrá fylgja fundarboði. Málgögn skulu varðveitt með tryggilegum hætti þannig að óviðkomandi fái ekki aðgang að þeim. Boða ber til fundar ef þriðjungur eða fleiri aðalmanna í nefndinni æskir þess. Boðun varamanna skal vera í samræmi við 23. og 32 gr. samþykktar nr. 861/2013 um stjórn Eyjafjarðarsveitar.

#### 8. gr.

Sveitarstjóri situr fundi nefndarinnar, með málfrelsi og tillögurétt. Hann ber ábyrgð á eftirfylgni við ákvarðanir og samþykktir nefndarinnar. Nefndin getur einnig boðið öðrum til fundar varðandi tiltekin mál.

Rétt til setu á fundum skólanefndar á meðan fjallað er um málefni grunnskóla, með málfrelsi og tillögurétt eiga:

- skólastjóri Hrafnagilsskóla
- einn fulltrúi grunnskólakennara við Hrafnagilsskóla
- einn fulltrúi foreldra í skólaráði Hrafnagilsskóla

Ákvæði um fulltrúa skv. er í samræmi við ákvæði 6. gr. laga nr. 91/2008, um grunnskóla m.s.br.

Rétt til setu á fundum skólanefndar á meðan fjallað er um málefni leikskóla, með málfrelsi og tillögurétt, eiga:

- leikskólastjóri Krummakots
- einn fulltrúi starfsfólks Krummakots
- einn fulltrúi foreldraráðs í Krummakoti

Ákvæði um fulltrúa starfsmanna og foreldra er að finna í 4. gr. laga um leikskóla, nr. 90/2008.

### **8. gr.**

Rita skal fundargerðir nefndarinnar í tölvu og geyma í fundarkerfi sveitarfélagsins sem og í sérstaka fundargerðabók. Fundargerð skal lesin upp í lok fundar og nefndarfulltrúar skulu staðfesta samþykki sitt með undirritun.

### **9. gr.**

Nefndin getur enga ályktun gert nema meirihluti nefndarmanna sitji fund. Við atkvæðagreiðslu ræður einfaldur meirihluti atkvæða úrslitum máls, nema öðruvísi sé ákveðið í lögum. Verði atkvæði jöfn með máli og móti, fellur það. Fundarmaður, sem vanhæfur er við úrlausn máls, skal yfirgefa fundarherbergi nefndarinnar við umræðu og afgreiðslu þess, sbr. 3., 4. og 5. grein stjórnsýslulaga nr. 37/1993 sem og samþykkt um stjórn Eyjafjarðarsveitar nr. 861/2013.

### **10. gr.**

Ályktun nefndarinnar, sem hefur í för með sér útgjöld umfram samþykktir sveitarstjórnar, skal ætíð send sveitarstjóra í sérstöku erindi. Sveitarstjóri leggur ályktunina fyrir sveitarstjórn til endanlegrar afgreiðslu. Nefndinni er að öðru leyti heimilt að afgreiða, án staðfestingar sveitarstjórnar, mál á verksviði hennar ef lög eða eðli máls mæla ekki sérstaklega gegn því og þau víkja ekki frá stefnu Eyjafjarðarsveitar í veigamiklum atriðum.

### **11. gr.**

Fulltrúar í nefndinni og aðilar sem sitja fundi nefndarinnar eru bundnir þagnarskyldu. Óheimilt er að greina frá ummælum einstakra fundarmanna á fundum. Sama gildir um atriði sem aðilar fá vitneskju um og leynt skulu fara eðli máls samkvæmt. Þagnarskylda helst þó að látið sé af störfum.

### **12. gr.**

Kjörnum fulltrúum í skólanefnd er heimilt að koma saman til svokallaðra „vinnufunda“ án þess að boða þá sem lögum samkvæmt eiga rétt til setu á formlegum skólanefndarfundum.

Hins vegar er litið svo á að slíkir fundir séu óformlegir og þar skulu ekki teknar ákvarðanir né haldin um þá opinber gjörðabók, þeir eru m.ö.o. ekki formlegir nefndarfundir.

### **13. gr.**

Sveitarstjóra er heimilt að afgreiða án staðfestingar skólanefndar:

- leyfi fyrir námsvist utan lögheimilissveitarfélags,
- leyfi fyrir námsvist í Hrafnagilsskóla fyrir börn sem eiga lögheimili utan Eyjafjarðarsveitar,
- leyfi fyrir leikskóladvöl utan lögheimilissveitarfélags
- leyfi fyrir leikskóladvöl í Krummakoti fyrir börn sem eiga lögheimili utan Eyjafjarðarsveitar,
- leyfi til daggæslu í heimahúsum,
- beiðnir um langtímaleyfi starfsmanna skólanna,
- önnur mál sem skólanefnd felur sveitarstjóra að afgreiða.

Sveitarstjóri kynnir skólanefnd ársfjórðungslega mál sem hann afgreiðir í umboði hennar.

### **14. gr.**

Málsmeðferðir, er varða réttindi og skyldur aðila, fara eftir ákvæðum laga nr. 37/1993 stjórnsýslulög.

## **III. kafli. Gildistaka.**

### **15. gr.**

Erindisbréf þetta, sem byggir á ákvæðum sveitarstjórnarlaga nr. 138/2011, stjórnsýslulögum nr. 37/1993 og samþykkt um stjórn Eyjafjarðarsveitar frá 17. september 2013, var afgreitt í sveitarstjórn Eyjafjarðarsveitar þann 14. desember til að taka þegar gildi. Jafnframt er úr gildi fallið erindisbréf fyrir skólanefnd Eyjafjarðarsveitar frá 6. maí 2015.

Eyjafjarðarsveit 14. desember 2018.

Sveitarstjórinn í Eyjafjarðarsveit

# Yfirlit yfir gildandi lög og reglugerðir fyrir leik- og grunnskóla á heimasíðu Sambands íslenskra sveitarfélaga

Sótt af <http://www.samband.is/verkefningin/skolamal/log-og-reglugerdir/> 21.11.2018.

## Leikskólinn

### Lög

- Lög nr. 90/2008, um leikskóla eins og þeim var breytt með lögum nr. 38/2009 (mars 2009)
- Umsögn Sambands íslenskra sveitarfélaga um frumvarpið (janúar 2008)

### Reglugerðir

- Reglugerð nr. 893/2009, um mat og eftirlit í leikskólum og upplýsingaskyldu sveitarstjórna um skólahald (október 2009)
- Reglugerð nr. 896/2009, um skil og miðlun upplýsinga milli leik- og grunnskóla (október 2009)
- Reglugerð nr. 655/2009, um starfsumhverfi leikskóla (júlí 2009)
- Reglugerð nr. 584/2010, um skólaþjónustu sveitarfélaga við leik- og grunnskóla og nemendaverndarrád í grunnskólum (júní 2010), breytt með reglugerð nr. 986/2010 (desember 2010).

## Grunnskólinn

### Lög

- Lög nr. 91/2008, um grunnskóla eins og þeim var breytt með lögum nr. 34/2009 (mars 2009), lögum nr. 35/2009 (mars 2009) og lögum nr. 38/2009 (mars 2009)
- Nefndarálit menntamálanefndar (maí 2008)
- Frumvarp til grunnskólalaga með greinargerð (nóvember 2007)
- Umsögn Sambands íslenskra sveitarfélaga um frumvarpið (janúar 2008)

### Reglugerðir

- Reglugerð nr. 173/2017 um fyrirkomulag og framkvæmd samræmdra könnunarprófa í grunnskóla (mars 2017)
- Reglugerð nr. 699/2012 um viðurkenningu grunnskóla sem reknir eru af öðrum en sveitarfélögum og skólahald samkvæmt erlendra námskrá og námsskipan.
- Reglugerð nr. 547/2012 um skólagöngu fósturbarna í grunnskólum. (5. júní 2012)
- Reglugerð nr. 1040/2011 um ábyrgð og skyldur aðila skólasamfélagsins í grunnskólum (21. október 2011)
- Reglugerð nr. 896/2009, um skil og miðlun upplýsinga milli leik- og grunnskóla (október 2009)
- Reglugerð nr. 897/2009, um miðlun og meðferð upplýsinga um nemendur í grunnskólum og rétt foreldra til aðgangs að upplýsingum um börn sín (október 2009)
- Reglugerð nr. 440/2010, um störf og starfshætti undanþágunefndar grunnskóla (apríl 2010)
- Reglugerð nr. 585/2010, um nemendur með sérþarfir í grunnskóla (júní 2010)
- Reglur nr. 656/2009, um skólaakstur (júlí 2009), breytt með reglum nr. 882/2009 (október 2009)
- Reglugerð nr. 658/2009, um mat og eftirlit í grunnskólum og upplýsingaskyldu sveitarstjórna um skólahald (júlí 2009)
- Reglugerð nr. 657/2009, um gerð og búnað grunnskólahúsnæðis og skólalóða (júlí 2009)
- Reglugerð nr. 531/2009, um heimakennslu á grunnskólastigi (maí 2009)
- Reglugerð nr. 1157/2008, um skólaráð við grunnskóla (desember 2008)
- Reglugerð nr. 584/2010, um skólaþjónustu sveitarfélaga við leik- og grunnskóla og nemendaverndarrád í grunnskólum (júní 2010), breytt með reglugerð nr. 986/2010 (desember 2010).

- Reglugerð nr. 1111/2007 um námsgagnasjóð
- Reglugerð um jöfnunarframlög Jöfnunarsjóðs sveitarfélaga til reksturs grunnskóla nr. 351/2002

### ***Viðmið og verklagsreglur***

Reglugerð um ábyrgð og skyldur aðila skólasamfélagsins í grunnskólum nr. 1040 frá 2011 kallar á viðmið og verklagsreglur.

### **Þvert á skólastig**

#### **Lög**

- Lög nr. 87/2008 um menntun og ráðningu kennara og skólastjórnaenda við leikskóla, grunnskóla og framhaldsskóla
- Lög 71/2007 um námsgögn
- Lög nr. 91/2015 um Menntamálastofnun
- Lög nr. 35/2009, um náms- og starfsráðgjafa (apríl 2009), breytt með lögum nr. 77/2009 (júlí 2009) og lögum nr. 26/2010 (mars 2010)

#### **Reglugerðir**

- Reglugerð nr. 872/2009, um inntak menntunar leik-, grunn- og framhaldsskólakennara (október 2009)
- Reglugerð nr. 160/2010, um matsnefnd náms- og starfsráðgjafa (febrúar 2010)
- Reglugerð nr. 242/2009, um Sprotasjóð leik-, grunn- og framhaldsskóla (febrúar 2009)
- Reglugerð nr. 241/2009, um matsnefnd leikskóla-, grunnskóla- og framhaldsskólakennara (febrúar 2009)

#### **Gögn á vef mennta- og menningarmálaráðuneytisins:**

- Úrskurðir og álit um málefni leikskóla, grunnskóla o.fl.